


WWW.SOLODIPUEBLO.COM



SOLODIPUEBLO@GMAIL.COM



TURISTA COLOMBIANO A FAYECE DESPUES DI BEBE HOPI ALCOHOL DURANTE TRIP DI CATAMARAN

Minister Maduro di Finansa ta informa:



FITCH TA 'UPGRADE' ARUBA CU UN 'POSITIVE OUTLOOK' DEN NAN EVALUACION ECONOMICO Y FINANCIERO

CUERPO POLICIAL DI ARUBA A RICIBI NAN VEHICULONAN NOBO



210 ALUMNO DI SCOL BASICO WASHINGTON A PARTICIPA NA I STOPPED IT



MEP na Mervin Wyatt-Ras: BO TA KEHA SO, PERO NUNCA BO TA PRESENTA SOLUCION



Minister Rocco Tjon: CUERPO POLICIAL DI ARUBA A RICIBI NAN VEHICULONAN NOBO



- Diamars merdia, conhuntamente cu Cuerpo Policial di Aruba, Minister di Husticia y Asuntonan Social sr. Rocco Tjon a haci entrega di e vehiculonan nobo pa Cuerpo Policial. Un pabien na henter e ekipo di Cuerpo Policial, Yrausquin & Sons y Ministerio di Husticia y Asuntonan Social cu a lidera e proyecto aki.

Cuerpo Policial t'ey pa garantisa seguridad. Recien ainda, un investigacion a muestra con criminalidad a baha y cu Aruba ta e pais mas 'safe' den nos region.

Pa logra esaki Ministerio di Husticia y Asuntonan Social ta inverti den tres pilar. Na prome luga, ta percura pa e organisacion ta uno dinamico pa por combati criminalidad, p'esey tin un reorganizacion andando. Na di dos luga ta crea condicionnan di trabou adecuado, p'esey diferente renobacion a tuma luga y edificionan nobo a wordo adkiri pa Cuerpo Policial.

Por ultimo, e di tres pilar cu ta inverti den dje ta percura pa cumpra materialnan pa e Agentenan Policial por

eherce nan trabou. Asina a inverti den proyecto di camara, radar, portofoons, ICT, bulletproofvests y computers.


Awe nan ta haya nan fleta nobo pa por brinda un bon servicio na nos comunidad pero na mes momento garantisa nan propio seguridad mucho mas miho.

Danki na tur e Agentenan cu a participa den e rondanan di consulta, danki pa boso aporte y feedback pa cu e escogencia di e vehiculonan aki.

DIRECTIE NATUUR EN MILIEU LO TA CERA DIALUNA 18 DI MAART

ORANJESTAD - Den cuadro di observacion di dia nacional, 18 di maart, dia di Aruba su Himno y Bandera 2024, DNM lo ta cera henter dia. Nos oficina na B v/d Veen Zeppenfeldtstraat #7 situa na San Nicolas lo ta cera. Pa cualkier eventualidad por notifica via un mensahe riba nos plataforma di Facebook messenger @dnmaruba. Pa melding di urgencia tocante naturalesa y medio ambiente por haci esaki via Polis. DNM ta habri bek riba diamars 19 di maart pa brinda su servicicionan.

DNM ta felicita henter pueblo di Aruba cu e dia aki. DNM ta urgi pueblo henter pa uza sano huicio y disfruta sanamente. Alabes nos ta boga pa un y tur tene nos Aruba limpi y liber di sushedad. E dia aki sali hunto den famia y amigonan pa honra nos isla y e logronan di por tin nos mesun identidad. Feliz dia di Himno y Banera 2024!



TURISTA COLOMBIANO CU A BEBE HOPI ALCOHOL DURANTE TRIP DI CATAMARAN Y A DRENTA LAMA DESPUES ANOCHI A FAYECE



Diasabra anochi despues di e incidente unda un turista lo a hoga despues di a consumi hopi alcohol durante un trip riba catamaran. A bin resulta

cu aki ta trata di un turista colombiano cual a fayece despues di tur e esfuerzo y intentonan pero tabata envano. Awor familiarnan ta



solicita ayudo na Colombia den medionan y aki na Aruba tambe pa asina contribui pa yuda cubri e gastonan pa manda su restonan bek pa Colombia. Ta trata aki di un tata di 2 yiu chikito cual a perde nan tata, Solo di Pueblo ta extendia su mas sincero palabranan di conolencia na e famia.



CELEBRACION DI "DIA DI HIMNO Y BANDERA" NA PLAYA PABAO



Playa Pabao – Enconexion cu dia di Himno y Bandera directiva di Centro di Bario Playa Pabao ta organisa un actividad cultural riba dialuna 18 di maart. E actividad ta cuminsa pa 12'or di merdia y ta termina atardi pa 6'or. Riba e programa tin entre otro: gruponan di baile hubenil y infantil, ganadornan di e festival un canto na nos Himno y Bandeira, baile di sinta bou

di direccion di sra Lia Lopez y hopi mas. Mester menciona cu durante di e actividad ta hasi entrega di e premio Cultural Playa Pabao 2024 cu ta sr. Hector (Chichi) Perez. Directiva di Centro di Bario Playa Pabao ta gradeci Comicion Pa Celebra Dianan Nacional pa nan sosten financiero. Bar y cushina lo ta bon sorti.

CAREER SPOTLIGHT BY AHATA



THEN

1993
Telephone Operator
Divi Resorts



NOW

2019
General Manager
Divi Resorts

PEARL LAKE

210 ALUMNO DI SCOL BASICO WASHINGTON A PARTICIPA NA I STOPPED IT



Na aña 2022 HIAS Aruba y 131 a uni forsa pa reduci e riesgo di violencia contra hende muher y hende homber y pa promove masculinidad saludabel na scolnan primario na Aruba.

E colaboracion aki ta basa ariba e extenso experiencia cu 131 tin den implementa proyectonan similar na scolnan primario y secundario riba nos isla, tal como e proyecto 'Prevencion di Termento na Scol' y hopi otro charla,

proyecto y workshop. Danki na fondo propociona door di e 'Bureau of Population, Refugees, and Migration' (BPRM), e dos organisacionan aki a desaroya y cuminsa cu implementacion di e proyecto I Stopped It (Ami a pare) na aña 2023.

Despues cu na aña 2022 a desaroya e proyecto I Stopped It, na 2023 131 a cuminsa cu implementacion di I Stopped It den 8 scol primario na Aruba (un

den cada distrito). E alumnonan di klas 4, 5 y 6 di e 8 scolnan primario a participa na I Stopped It den aña 2023. E proyecto aki ta preventivo di naturaleza, y ta trata di para violencia entre mucha homber y mucha muher. E proyecto ta atende cu e problema di violencia, e trato entre mucha homber y mucha muher, igualdad, y ta promove masculinidad saludabel. Tambe I Stopped It ta trata e tema di termento y discriminacion, y ta stimula empatia entre persona y grupo di persona. I Stopped It ta stimula prevencion di violencia, cu ta un di e puntonan importante di e 'Beleidsvoornemens' di Minister di Husticia y Asuntonan Social.

Ariba 27 y 29 di februari, y 5 y 7 di maart e alumnonan



di klas 4, 5 y 6 di Scol Basico Washington a participa na I Stopped It. Scol Basico Washington ta e di dos di e cinco scolnan primario cu lo participa na I Stopped It e aña aki.

Durante 4 sesion nan a haya informacion tocante violencia relacional, violencia relaciona cu genero (violencia di hende homber na hende muher y/ of violencia di hende muher na hende homber) y masculinidad saludabel. Durante e di

cuater sesion 210 alumno na Scol Basico Washington a termina I Stopped It cu un certificado como muestra di participacion y conocimiento di formanan di violencia y su origen.

Pa mas informacion tocante I Stopped It por tuma contacto cu 131 via nos website: 131.aw, facebook: <https://www.facebook.com/telefon.hubentud/>, email: 131aruba@gmail.com of telefon 5886138/ 5884011.

Prome Minister ta atendiendo reunionnan na Nacionnan Uni

"MI COMPROMISO TA PA SIGUI TRAHA NA BIENESTAR DI NOS HENDE MUHENAN"

Riba e di dos dia na Nacionnan Uni, Prome Minister Evelyn Wever-Croes a atende varios reunion, y a papia na diferente conferencia, treciendo punto di bista di Aruba y di Reino padilanti, di kico Gobierno ta haciendo na Aruba y unda e isla mester di mas atencion.

Prome Minister a indica cu na Aruba, compara cu otro paisnan presente na Nacionnan Uni, e posicion di hende muhe ta hopi bon. Gobierno ta consCiente si, cu tin espacio pa mehoracion, y lo traha riba esakinan tambe. Pa

por yega na un nivel di igualdad, Gobierno lo traha riba empodera nos mucha muhenan mas, pa asina nan tin mas oportunidad den bida. Tambe lo guia nan y duna nan e informacionnan necesario, cu e meta pa crea interes den nan pa sigui nan educacion den e area di STEM, cu ta e area tecnico, garantizando asina mas oportunidad laboral den futuro. Gobierno lo traha tambe na empodera e mucha muhenan cu mas oportunidad economico, y traha riba proteccion di e ser femenino contra abuso y violencia.

Durante e reunionnan na



Nacionnan Uni, Prome Minister a haya di UN Women, e resultado di e revision cu nan a haci di e sistema na Aruba, y nan a duna e puntonan, na unda nan ta wak cu por bin mehoracion. Prome Minister a indica cu e bon di tur esaki ta, cu UN Women ta dispuesto pa yuda Aruba y a duna fondo pa cu esaki.

"Mi dianan na Nacionnan Uni ta yena di informacionnan valioso, y hopi inspiracion. Cu esaki mi lo bolbe bek Aruba, cu e compromiso, pa sigui traha pa mehora e posicion pa nos mucha muhenan, y hende muhenan na Aruba", Prome Minister a expresa.

Minister Maduro di Finansa ta informa:

FITCH TA 'UPGRADE' ARUBA CU UN 'POSITIVE OUTLOOK'

DEN NAN EVALUACION ECONOMICO Y FINANCIERO

Ta reconoce e trabou serio pa recobra e credibilidad financiero di nos Pais

Fitch Ratings CONTACT US SUBSCRIBE

RATING ACTION COMMENTARY

Fitch Revises Aruba's Outlook to Positive; Affirms at 'BB+'

Wed 13 Mar, 2024 - 13:08 ET

Diaranson Minister Maduro di Finansa a ricibi e grato noticia cu e compania di rating Fitch Ratings ta revisa nan mira riba Aruba, di stabiel pa positivo. Esaki ta un 'upgrade' cu ta refleha e bon direccion di Aruba su economia y finansa publico.

Na februari Fitch Ratings tabata na Aruba pa asina por haci un evaluacion economico y financiero di nos Pais. Nan a reuni cu varios persona y instancia pa asina por formula nan opinion cu ta keda refleha den e rapport cu a keda publica diaranson 13 di maart 2024 cu ta disponibel via <https://www.fitchratings.com/research/sovereigns/fitch-revises-aruba-outlook-to-positive-affirms-at->

bb-13-03-2024 .

Den su rapport Fitch Ratings ta duna reconocemento na e trabou serio cu ta wordo haci pa Aruba por recobra e credibilidad financiero cu a keda afecta den e añanan di e pandemia. Fitch ta duna Aruba credito pa e desicionnan fiscal cu a wordo tuma pa stabilisa Aruba su finansa publico. Fitch ta positivo tambe riba e manera cu Aruba a bin ta maneha e debe y e disciplina financiero hiba pa por baha debe di Aruba. Ta pasonan importante cu ta hiba Aruba mas cerca di e 'investment rating' cu nos Pais tabata goza di dje cerca Fitch net prome cu e pandemia.

Minister Maduro ta gradicir tur persona y instancia

cu a reuni cu Fitch, specialmente e ekipo di Departamento di Finansa cu a haci un trabou grandi pa percura pa e trabounan haci por a keda splica y prueba na Fitch Ratings.

Masha danki y pabien na Pueblo di Aruba cu e logro bunita aki na bienestar di Aruba.



COURTYARD
BY MARRIOTT

JOIN OUR TEAM Aruba Resort

Wherever you want to go, whoever you want to be, you deserve a career that fulfills your purpose. You deserve to dream without limits.

Be a part of something bigger than yourself, join a team where everyone has a voice. Belong to a community where you are included.

Be inspired by what's possible and discover your own future. Be challenged, grow and achieve your ambition. At Courtyard by Marriott, be yourself. Begin your purpose, belong to a global community, and become the best version of you. At Courtyard...**be you.**

WE ARE LOOKING FOR:

<p>DEPARTMENT LEADERS</p> <ul style="list-style-type: none"> CHIEF ENGINEER SYSTEM MANAGER DIRECTOR OF HOUSEKEEPING <p>FOOD & BEVERAGE</p> <ul style="list-style-type: none"> ASSISTANT WAITERS BUSSERS COOK HELPER/PREPERATION COOK PIZZAMAHER UTILITY ATTENDANT/CLEANER DISHWASHER CAFETARIA ATTENDANT NIGHT CLEANER <p>ACCOUNTING</p> <ul style="list-style-type: none"> FINANCIAL CONTROLLOR 	<p>FRONT OF THE HOUSE</p> <ul style="list-style-type: none"> F.O. SUPERVISOR OPERATOR FRONT DESK CLERK <p>HOUSEKEEPING</p> <ul style="list-style-type: none"> ROOM ATTENDANTS HOUSEMAN PUBLIC AREA ATTENDANTS LAUNDRY ATTENDANT <p>ENGINEERING</p> <ul style="list-style-type: none"> TRADESMAN/MAINTENANCE MAN GARDENER PAINTER
---	---

Send your application and cv to:
maira.vbbiezen@arubacourtyard.com or patricia.maduro@arubacourtyard.com

COURTYARD BY MARRIOTT ARUBA RESORT is an equal opportunity employer committed to hiring a diverse workforce and sustaining an inclusive culture.

Prome Minister Evelyn Wever-Croes:

13 DI MAART TA 4 AÑA PASA CU ARUBA A WORDO ENFRENTA CU COVID-19

“Awe, como pueblo, nos ta para firme, despues di a pasa den e tormenta aki y a sali victorioso”

Un diabierna 13 di maart 4, aña pasa, Aruba tawata den suspenso y observando e desaroyo di Covid 19 rond mundo. E sentimento di incertidumbre a biba den nos pueblo mientras e virus tawata causando hopi daño y cobrando bida di hopi hende. Ya di hopi tempran, e virus a wordo considera uno devastador y tawata muestra cu no por wordo deteni. Y riba e fecha aki, un diabierna, a marca un momento importante den nos historia, Aruba a wordo confronta cu e prome casonan di Covid-19.


Prome Minister Evelyn Wever-Croes e diabierna ey, mesora a yama un conferencia pa notifica

pueblo di Aruba riba e noticia cu, apesar cu Gobierno a bin ta haciend tur esfuerzo, tawata inevitabel pa e virus drenta. Aruba, pa casi tres luna despues di e prome noticianan di Covid-19, a haya e prome 2 casonan. E accionnan y medidanan cu Gobierno di Aruba a tuma, bou liderazgo di Prome Minister, tawata crucial pa contene y stop e virus di plama y pa protehe nos pueblo.

Laga nos refleha riba e ultimo 4 añanan desde cu Covid a drenta Aruba, y recorda e resiliencia y union cu nos pueblo a muestra durante e pandemia. Apesar di reto y dolor causa na hopi

hogarnan cu perdida di sernan keri, nos a uni y reafirma nos compromiso pa construi un Aruba mas fuerte y mas resiliente.

“Mi ta gradici cada ciudadano pa e resiliencia y solidaridad demostra pa cada un di bos. For di momento cu e prome casonan di e virus a drenta, nos a demostra cu union ta nos forza. Hunto nos a enfrenta circunstancianan dificil. Sinembargo, door di determinacion inkebrantabel y un compromiso comun pa otro, nos a sali mas fuerte y mas resiliente cu nunca. Awe, como pueblo, nos ta para firme, despues di a pasa e tormenta Covid y a sali victorioso. E



forsa uni, determinacion y perseverancia di nos Gobierno, profesionalnan di cuida, tur frontliners, y comunidad ta loke a yuda pa nos surpasa e retonan di e pandemia.

Awe Aruba ta wak den futuro cu speransa y optimismo. E lesnan cu nos a siña di e pandemia, sin duda a yuda pa

construi un nacion mas fuerte y mas prepara. Danki Aruba, danki na cada ciudadano di nos pais pa e determinacion pa saca Aruba for di e pandemia. Hunto nos a logra y hunto nos lo logra tur obstaculo cu presenta”, Prome Minister Evelyn Wever-Croes a enfatisa.

EXAMEN THEORETICO DI DIAHUEBS 14 MAART 2024 TA KEDA CANCELA

MACUARIMA, ARUBA: Departamento di Rijbewijs ta informa cu e examen theoretico diahuebs 14 maart 2024 ta wordo cancela enconexion cu mantencionnan di ultimo momento den e edificio.

E fecha nobo di e examen theoretico di dia 14 maart 2024 lo bira diasabra 16 maart 2024, orarionan di examen theoretico lo keda mesun ora.

Si e candidato cu tin examen theoretico e dia



aki cu no por presenta pa e fecha nobo dia 16 maart 2024, por manda un email

na ber@kparuba.com cu su nomber y fam pa asina e por haya un fecha nobo.

Nos ta pidi un desculpa pa cu e inconveniencia aki.



MEP na Mervin Wyatt-Ras: BO TA KEHA SO, PERO NUNCA BO TA PRESENTA SOLUCION

Mervin Wyatt-Ras ta un politico cu a pasa mita di su bida politico den Partido MEP, y e otro mita den partido AVP, despues cu el a bula cura. Biniendo di norma y balornan fuerte, tabata un desapunto grandi caba ora el a dicidi di uni na partido AVP. E desapunto y desgusto a bira mas grandi ora Mervin a dicidi di brasa corrupcion, brasa Benny Sevinger hasta despues cu Benny a wordo haya culpabel di corrupcion den gobernacion. Esnan cu conoce Mervin nunca a pensa cu e por cay asina "low".

Desde e tempo cu el a

sali for di Partido MEP y uni su mes na un partido corrupto, unico cos cu Mervin ta haci, ta keha y critica. Nada ta bon p'e. Pero nunca bo ta scucha Mervin bin cu solucion, of bisa kico e kier.

Ta conoci cu e filosofia den partido AVP ta cu tur candidato mester ta negativo so, pa nan lidercito Mike Eman por purba briya. Pero Mervin mester realisa cu Mike lo no briya nunca mas. Pueblo ta cla cu n'e caba.

Den e dianan aki Mervin a sali ataca Gabinete Wever-Croes cu ta tarda den negociacion cu Hulanda, y

esey ta afecta pueblo. Pa cuminsa, mester remarca cu e negociacion aki ta algo hopi serio, y ta tuma su tempo y Prome Minister di nos pais ta negociando cu determinacion pa logra e miho pa nos pueblo.

Acaso Mervin kier pa Prome Minister Evelyn Wever-Croes tambe bay den welga di hamber manera su lidercito yoron Mike? Acaso ta si Evelyn Wever-Croes bay den welga di hamber, e ora Mervin ta stop di critica? Mervin mester realisa cu esey lo no pasa nunca, ta p'esey pueblo a manda Mike cas. Y a pone Evelyn Wever-Croes eynan.



kico Mervin kier?

Mester remarca tambe, cu Mervin ni AVP no a bin cu solucion nunca. Nan a vota contra e ley di Reino, pues pueblo no ta compronde ta dicon e tin tanto critica. Mike a bay Hulanda pa presenta su idea, cu a wordo bari for di mesa door di Hulanda. Pues,

Pero pueblo di Aruba merece politiconan cu no ta critica y keha so. Critica, keha ta facil. Pueblo di Aruba merece politiconan cu ta bin cu solucion. Mervin, bo ta kere cu bo por haci esey?

cu zwaailicht blauw y cora:

PATRUYA POLICIAL FORD EVEREST Y RANGER TA CLA PA SUBI CAMINDA



MACUARIMA, ARUBA: E imagen nobo pa e siguiente etapa di Cuerpo Policial Aruba ta cla pa subi caminda. Den un celebracion ameno na e compania di auto Yrausquin a haci entrega oficial di e flota nobo pa patruya policial,

departamento di trafico y polis na frontera.

Den presencia di minister di Husticia y Asuntonan Social Sr.Rocco Tjon, altocomisario di Polis drs. Ramon Arnhem, mando policial y gerencia di Yrausquin a haci e acto

simbolico di en total di 34 auto policial nobo.

Di marca Isuzu algun aña atras awor KPA su patruya policial ta cla pa sigui patruya den Ford model Everest y Ranger. Un cambio grandi na e vehiculo policial pa local ta trata e marca y modelo pero tambe tecnologia avansa usando e ultimo modelo nobo di marca "Whelen". A haci un cambio radical for di e zwaailicht blauw y oraño pa blauw y cora. E cambio aki tabata ta pa miho visibilidad y seguridad pa e agentenan

policial pero tambe pa comunidad. Tambe lo tin sonido di sirena diferente compara cu antes pa mihor sonido.

Como fuera e flota nobo aki tambe lo ricibi "Data Terminals" pa asina e agentenan por ta mihor equipa den nan patruya policial cu informacion. Di e forma aki Aruba ta dal un stap grandi local ta tecnologia y husticia.

"Inverti den nos hendenan, tecnologia y material y crea un sentido di seguridad pa nos comunidad y nos

agentenan. Cuerpo Policial Aruba ta den desaroyo positivo pa asina crea un base solido pa e futuro di KPA". Tabata palabranan di altocomisario Arnhem hopi satisfecho cu otro logro mas pa bienestar di KPA y e seguridad di Pais Aruba.

E patruya policialnan aki lo subi riba nos carteranan cu e colornan di nos bandera blauw cu su strepinan geel cu orguyosamente nos ta carga nos bandera Aruba dushi tera.

MINISTER ENDY CROES A BISHITA FATIMA COLLEGE NA DAKOTA

En conexion cu nos Dia Nacional 18 di maart 2024



Minister Endy Croes a continua cu su bishita escolar en conexion cu nos celebracion di Himno

y Bandera. Diaranson mainta, Minister Endy Croes a bishita scol basico Fatima College na Dakota.

Na yegada e mandatario di Enseñansa y Deporte a ricibi un caluroso bonbini pa cabesante suplente di e scol Sra. Swinda Roga, staf, alumno – y maestronan. E alumnonan a haya e oportunidad pa saluda e mandatario y canta nan himno di scol. Despues di esaki, Minister Endy Croes a bishita klas 3 y 6 unda cu el a duna un charla y a comparti un rato ameno cu e alumnonan. Minister Endy Croes a enfatisa riba e importancia di e celebracion di nos Himno y Bandera. Nos simbolonan

cu ta yena nos cu orguyo. Minister Endy Croes a keda sorprendi cu varios pregunta cu el a ricibi y cu amor el a contesta tur e preguntanan. Tambe, Minister Endy Croes por a aprecia loke e alumnonan di klas 6 a traha en conexion cu Dia di Himno y Bandera. Ademas di esaki, e mandatario a informa e alumnonan di diferente actividad cu ta tuma luga dia 18 di maart. Sra. Merveline de Cuba, kende ta maestra di Fatima College a expresa

di ta contento cu e bishita di Minister Endy Croes na nan scol. Sra. de Cuba a enfatisa cu e dia a bay hopi bunita, e alumnonan tabata hopi curioso y a haci e mandatario hopi pregunta relaciona cu nos Himno y Bandera pa asina nan conoce un poco mas di nos historia. Pa conclui, Minister Endy Croes ta gradici cabesante suplente Sra. Roga, alumno- y maestronan pa e bunita recepcion. Alabes ta desea nan un feliz Dia di Himno y Bandera.

PARLAMENTARIO GUEDEZ-ERASMUS (MEP): "AMI TA ECHT DI ACUERDO CU ESAKI"

Participacion di hende muhe den politica ta di gran balor

ruba 13 di maart 2024: Diabierna ultimo a celebra Dia Internacional di Hende Muhe den un tremendo manera. Despues di 4 aña sin a celebra e dia aki, Gabinete Wever-Croes II a invita tur hende muhe na Aruba pa un conferencia di inspiracion y empoderamento.

Relaciona cu e evento aki, Parlamentario di Fraccion di MEP, Darlaine Guedez-Erasmus a expresa cu e dia aki rond di 800 hende muhe a bini hunto pa asina celebra e bunita fecha aki.

Desde cuater aña pasa, ora cu Covid a drenta, no por a organisa e evento aki mas. Pero diabierna cu a pasa, por a mira con e hende muhernan tabata asina contento di por ta presente un biaha mas na e evento masha grandi pa celebra e dia aki, Guedez-Erasmus a expresa.

E parlamentario a indica cu "eynan mi

persona tabata presente unda cu mi por a wordo inspira sigur di tur e hende muhernan cu por a trece nan speech dilanti pa asina motiva cada hende muhe riba diferente area".

Sra. Desiree Helder di Oficina di Estadistica a referi na un investigacion cu a wordo haci pa mira con hende muhe ta wordo mira den e comunidad di Aruba.

Algo cu a impacta sigur tabata e parti di hende muhe den politica. For di e encuesta a keda demostra cu rond di 90 porciento di e personanan ta desea di mira mas hende muhe como minister of como parlamentario.

Actualmente, Aruba tin dos hende muhe como minister y ocho hende muhe den Parlamento. Pueblo kier mira mas participacion den e posicionnan aki, a remarca y "ami ta echt di

acuerdo cu esaki".

"Como hende muhe den Parlamento, hopi biaha ta importante pa nos ta presente, pa nos ta na mesa unda nos por dialoga, papia riba e leynan durante di e reunionnan. Pero tambe ta importante cu nos por entrega nos mocionnan cu nos deseonan. Como hende muhe nos ta focus hopi riba con hende muhe ta sinti, su prioridadnan, ta mas facil convivi cu nan pensamiento y di e manera aki trece mocionnan padilanti pa asina hende muhernan nan puntonan bini tambe pa dilanti den nos comunidad", Darlaine Guedez-Erasmus a declara.

Mas cu claro, a bisa cu e ta contento cu na Aruba tin un prome minister femenino cu ta haciendo un tremendo trabao y esaki ta bunita pa mira cu tin hende muhe fuerte poniendo un balans bunita den comunidad.



"Como parlamentario, den e reunion publico di presupuesto 2024 di Pais Aruba, m'a entrega dos mocion unda mi deseo ta pa mira un cabina na aeropuerto pa asina e mamanan por duna lech'i pecho na nan baby mas den priva. Ta algo importante pa nos localnan, pero tambe e bishitantenan tin un lugar unda nan por sinta trankilo". Esaki tin na otro paisnan caba.

Un otro mocion cu a keda entrega e mesun dia di e reunion aki tabata pa na aeropuerto por tin un rij special pa mamanan na estado, mamanan cu

nan yiunan chikito of yiunan special. Eseyan ta ehempel di puntonan cu e parlamentario a trece dilanti cu ta hopi importante pa e hende muhernan.

Finalmente, Guedez-Erasmus a expresa: "Mi kier encurasha e damanan, specialmente esnan cu tin un aspiracion politico pa tuma curashi y postula bo mes riba listanan, riba partidonan politico pa asina abo tambe ta di gran contribucion na nos pais".

Pa tur campadornan pariba di brug

16 MAART: KPA LO HACI INDICACION PA SITIO DI CAMPAMENTO NA SAN NICOLAS

MACUARIMA, ARUBA: Diasabra dia 16 di maart 2024, Polis di distrito di San Nicolas ta invita tur persona cu a haci nan peticion pa temporada di campamento pariba di brug, cu lo mustranan e sitio cu nan lo campa.

Lo cuminsa 9'or di mainta den e area di Santana di Cacho, despues pa Baby Beach, Rodgers Beach y por ultimo pa e area di Zwat Mangel y Grapefield.

Pa 1'or di merdia lo sigui na Savaneta y Pos Chiquito.



TEAM SERO BLANCO TA SIGUIENTE VICTIMA!



Calabas/Kudawecha - Asina Team Snor a declara yen di fanfaria n'e unico y mundialmente famoso Domino Square garden aya na e grens entre Calabas y Kufawecha! Palabranan insolito claro cu segun lider di e ekipo di "Witte Heuvel" no lo keda sin su contesta adecuada. Manera e bieunan den pasado lo a bisa, aki ta caminda Snor lo bay haya su "salemetali"! Den un entrevista exclusivo, filma den secreto y bou condicionnan totalmente incognito, e integrantes di Team Sero Blanco a declara cu nan ta fada caba cu e arrogancia infinito cu "e tal Snor Perez" ey ta cana pronkia desde apertura di aña 2024 cu no tin ekipo pa gan'e! Ta manera domino ta algo cu ta antepasadonan di Snor, den un pasado remoto estilo


10,000 aña BC, a inventa den cueba di Guadarikiri bou un 'kampvuur' al estilo 'cave man'! Di unda a sali? Nos di redaccion claro a keda un poco sorprendi cu e fanatismo cu integrantenan di Sero Blanco a desplega, convenci cu ta nan ta bay ta e grupo cu lo pone, y nos ta quote aki nan: "pone Snor plat about come su snor sin salo"! Wel wel, shonnan amante di domino di alto caliber, e cos aki lo priminti di ta style di un tabla lo bula diasabra awo, 16 di maart,

cuminsando pa 8'or di anochi aya n'e impactante palacio di pega piedra, nada menos cu Domino Square Garden! manera semper, entrada ta completamente gratis y pasapalonan durante halftime lo ta totalmente por nada! Shonnan ... e ora cero a yega pa Team Snor? Yega shonnan, yega, diasabra awor, 16 di maart, cuminsando pa 8'or di anochi n'e unico, e inigualabel, e crème de la crème palacio di pega weso, esta Domino Square Garden aya na Calabas / kudawecha!

Clasificados

SOLODIPUEBLO@GMAIL.COM
CEL. 585 9500

ACCIDENTE CU HENDE HERIDA PA FALTA DI PREFERENCIA NA HOOIBERG



Diamars atardi a drenta informe di un accidente cu hende herida na Hooiberg, mesora a dirigi tanto polis como ambulans na e sitio. Na yegada di e patruxa a bin compronde cu aki ta trata di un accidente unda un auto a sali dilanti

di un pick-up sin a duna esaki preferencia. Debi na e impacto tanto e chauffeur di e auto como tambe 2 mucha den e pickup a resulta levemente herida. Na yegada di e ambulans nan a atende e victimanan na e sitio mes.

Connie Connor di AVP

GOBIERNO A NEGLISHA SAN NICOLAAS Y AWOR NO TIN SIGURIDAD PA NOS MUCHANAN



FCCA durante gobierno di Mike Eman, a yuda traha un pesebre na Lago Heights Hill Park pero segun Connie Connor di partido AVP, ta hopi tristo

mira con gobierno a laga e lugan aki bay asina hopi atras.

“Den pasado a traha un lugan pa un pesebre grandi

na e sitio aki, caminda durante delebracion di Pasco, tabata pone imagennan di Mama Maria y Jose hunto cu ‘baby Jesus’ y na mes momento tabata organisa eventonan musical combina cu benta di cuminda y hopi hende tabata reuni pa celebra fiesta di Pasco.

Sinembargo si nos mira con gobierno a laga e lugan aki bay atras y nos mira e desaster cu el a bira, ami como mama lo no laga mi yiunan bin hunga na e lugan aki. No tin seguridad pa e muchanan, ya cu seguridad ta un asunto importante y mi mester por mira




cu e lugan pa bon manteni caminda mayornan lo tin sinti nan mes sigur cu nan yiu ta na un lugan caminda e por hunga sin confronta peligran pa su curpa.

Loke nos ta mira aki ta ehempel di falta di vision di un gobierno pa atende cu necesidadnan di pueblo, sigur ora c’un lugan asina ta cerca di mi cas, caminda mi tabata bin cana y haci ehercicio pero e no tin luz, e lugan no ta bon

mantene, no tin seguridad ni pa mi yiu y tampoco pa mi yiunan y ta algo cu nos den comunidad no mester acepta.

Pa tal motibo nos a bin na e sitio aki pa cuestiona e maneho cu gobierno a hiba ultimo añanan y caminda ta bisto cu no tabatin atencion pa interes di bienestar di pueblo y yiunan di pueblo,: Connie Conner di AVP a trece dilanti.

Dama sin rijbewijs valido a dal motociclista benta abao y a resulta herida



Diamars mainta a drenta informe di un accidente na e rotonde banda di Xerox, mesora a dirigi un patruya na e sitio. Na yegada di e patruya a bin compronde cu aki ta trata di un dama chauffeur sin rijbewijs valido a bay dal tras di un motociclista y a bent'e abao. A consecuencia di e caida e motociclista a resulta levemente herida pero e no tabata desea di haya atencion medico.



Auto su so a bay atras pasa riba pia di chauffeur crusa caminda druk sin dal niun auto!




Diamars merdia a drenta informe di un accidente cu hende herida na Tanki Flip, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente unda cu un dama chauffeur a baha pura pa busca cuminda y a lubida pone auto den park y ora cu e dama a baha e auto su so

a cuminsa bay atras y ora ela bay purba par'e esaki a pasa riba su pia, e auto a sigi bay crusa caminda y milagrosamente net den e oranan druk ey e auto no a mishi cu ningun otro auto y a bay para te otro banda di caminda.

Na yegada di e ambulans nan a atende e dama y transporte pa hospital.

Na Madiki Kavel bin haya dama benta abao y no tabata reacciona



Dialuna atardi a drenta informe di cu a bin haya un dama benta abao den cas y no tabata reacciona, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un dama cu aparentemente a cay for i oranan di mainta y ta benta

eybao pero e ta halando rosea. Na yegada di e ambulans nan a atende e dama y a transporte pa hospital.



TEMPO VALIDO TE DIAHUEBS 14 DI MAART 2024, 18:00 ORA TEMPO:

AWE TARDI Y AWE NOCHI: PARCIALMENTE NUBLA Y GENERALMENTE SECO DEN MARDUGA Y MAYAN: PARCIAMENTE NUBLA SIN AWACERO DI IMPORTANCIA

TEMPERATURA MAXIMO 32 GRADO CELSIUS

TEMPERATURA MINIMO 26 GRADO CELSIUS

INDICE DI CALOR (HEAT INDEX) DEN Y ROND

DI ORANAN DI MERDIA: 33 PA 38 GRADO CELSIUS

UV INDEX: 10

POTENCIAL DI AWACERO PA PROXIMO 24 ORA:

1 MM OF MENOS; LOCALMENTE ESAKI POR TA DIFERENTE.

REGISTRACION DI TEMPERATURA (GRADO CELSIUS) Y

AWACERO (MM) DEN ULTIMO 24 ORA (8'AM PA 8'AM):

PRONOSTICO DI TEMPO PA PROXIMO 3 DIANAN:

PARCIALMENTE NUBLA CU UN POSIBLE AWACERO PASAJERO.

BIENTO LO TA FOR DI DIRECCION OOST Y MODERA

TE BASTA FUERTE, FUERTE TE POSIBLEMENTE DURO DEN RAFAGA.

TEMPERATURA (GRADO CELSIUS) MAX / MIN LO TA: 32 / 26

Persona malo cu tabata bayendo hospital no por a sigi core auto mas y yama ambulans



Dialuna anochi a drenta informe di cu un persona cu a bira malo y tabata coriendo auto bayendo


hospital no por a sigi mas a staciona auto na e pompstation na boulevard y a yama pidi ambulans. E

tabata tin problema pa hala rosea, mesora e ambulans a sali bay y a busk'e y a transport'e pa hospi-

tal. Mientras e auto a keda eynan pa un familiar bin busk'e.



POLIS A DETENE TURISTA BURACHI CU A SALI FOR DI CLUB NOCTURNO CRUSA CAMINDA BAY CAUSA DESTRUCCION NA HILTON



Diamars madruga a drenta informe di cu tin un hoben turista burachi histerico causando destruccion na Hilton, mesora a dirigi un patruya na e sitio.

Na yegada di e patruya a bin haya e hoben tur

agresivo y por a mira tur e destruccion cometi for di pafo y tambe paden.

Polis a detene e hoben turista aki cu aparentemente lo ta bao influencia di un of otro substancia y a bay warda di polis cun'e.

Feliz y productivo dia. Awe Solo di Pueblo lo presenta horoscopo pa dia 14 di maart 2023.

Aries

E reconciliacion tan spera cu bo pareha finalmente lo sosode. E necesidadnan di un hende cercano ta impedi bo spaar. Lo bo tin duda riba bo capacidad pa asumi un posicion nobo. Disfruta di bon cuminda, bo salud ta den condicion perfecto. Number di suerte: 8, 74, 58.

Tauro

Lo bay tin hopi disponibilidad pa cita y encuentro romantico. Lo bo experimenta sorpresa agradabel riba bo cuenta di banco. Bo lo cuminsa un bon etapa den bo carera profesional. Bo salud lo wordo beneficia si bo dal un keiro den cunucu. Number di suerte: 9, 51, 65.

Geminis

Lo bo sinti desencanta cu un hende cu tabata interesa bo. E tema di placa lo laga bo algo preocupa. Responsabilidad laboral nobo lo yena bo cu ilusion. Percura pa bo no come cos dushi di mas, bo salud bocal ta na riesgo. Number di suerte: 1, 44, 36.

Cancer

Bo famia ta bastante pendiente di bo. Si bo tin e oportunidad di inverti, hacie. Pa loke ta oferta di trabao, mantene calma y pensa detenidamente. Controla e

caprichonan gastronomico. Number di suerte: 3, 78, 28.

Leo

Sali for di e rutina y celebra cualkier ocasion cu bo pareha. E falta di fondo por obstaculisa e bon funcionamiento di bo negoshi. Lo bo sinti util y aprecia entre bo coleganan. E influencia di Luna lo yuda bo tin un perspectiva mas trankil di bida. Number di suerte: 2, 11, 13.

Virgo

Bo pareha ta na rand di e limite; evita hib'e na un extremo. Momento delicado den tema economico. Bo actitud prepotente no lo faborece bo na trabao. Canalisa bo forsa di boluntad pa elimina e mal habitonan. Number di suerte: 1, 46, 92.

Libra

Un relacion amistoso por converti den un historia apasiona di amor. Bo ta hopi preocupa p'e situacion economico. Bo profesion por ta algo stressfull, purba relaha despues di trabao. E tension nervioso y e ansiedad por ta bo pio enemigonan. Number di suerte: 3, 63, 96.

Scorpio

Lo bo logra haya e balans den bo relacion cu bo pareha door di tin mas intimidad. Bo imaginacion lo yuda bo aumenta bo placa gespaar. Den trabao, no fir-

ma nada sin conseho. Sigui un dieta pa baha peso ta fundamental pa bo salud. Number di suerte: 6, 25, 21.

Sagitario

Disfruta di e tempo liber cu bo amigo y bo famianan. Ta un bon momento pa gana placa y spaar. Percura pa crea un ambiente laboral positivo. Lo bo gosa di un balans fisico y mental perfecto. Number di suerte: 8, 51, 39.

Capricornio

Lo bo por namora si duna e oportunidad, no tene miedo. Bo obsesion pa placa por hiba bo na comete error. Ta momento pa destaca profesionalmente. No ignora e dolor, consulta cu un dokter. Number di suerte: 9, 96, 31.

Acuario

Bo yiunan lo brinda bo momento di gran felicidad. E inversionnan lo ta beneficioso. Bo curashi lo wordo reconoci cu un merecido promocion. Cuida bo alimentacion y evita exceso di cuminda y bebibda. Number di suerte: 7, 47, 53.

Piscis

Si bo tin pareha, lo bo mira con bo relacion lo fortalece. Bo placa gespaar lo aumenta considerablemente. Esforza pa saca bo trabao dilanti. Purba di sigui un dieta abao den vet y evita come den exceso. Number di suerte: 6, 12, 61.

Parlamentario di AVP, Mervin Wyatt-Ras: MAL MANEHO Y FALTA DI VISION DI GOBIERNO TA LOKE TA AFECTANDO NOS CUIDO MEDICO

Mal manejo, falta di vision y e forma engañoso di Evelyn Wever-Croes ta haci cu medida ta cay riba nos pueblo. Esey ta e realidad, a pesar cu e mandatario ta purba sconde tras di Hulanda. E tantisimo consecuencia cu awe nos ciudadanonan por mira y experiencia den sector di cuidado, tin biaha te hasta cu consecuencia fatal, ta un resultado directo di proposicion cu e minister president actual a haci na 2020.

Esey ta e punto cu parlamentario di fraccion di AVP, Mervin Wyatt-Ras a argumenta diamars mainta durante e conferencia di prensa semanal di e partido. Aki el a recorda medianan di comunicacion con a tuma medida riba medico y especialista, mescos cu riba hospital, cu efecto riba e calidad di cuidado cu cada dia ta bira pio.

Riba dje a introduci un BBO na frontera a pone cu hende na Aruba no por come saludabel y muchanan no ta haya e alimentacion cu nan tin mester pa nan desaroyo sano. Esaki lo trece como consecuencia mañan un baymento atras den e salud di nos poblacion y su peso adicional riba nos sistema di seguro y cuidado medico.

Wyatt-Ras: “Mientras ciudadano no por cumpra tur e remedinan cu e tin mester pa su salud, nos tin un gobierno cu ta bisa cu tin un surplus den AZV, pero cu a inverti e placa aki den prevencion. Na mesun momento, AVP a muestra

con algun dia atras CBS a duna di conoce cu e indice di mortalidad na Aruba a aumenta drasticamente cu 22.3%.”

Na opinion di Wyatt-Ras, mester investiga e desarojo aki pa bin cu un solucion di inmediato. Hulanda, cu a registra apenas 5%, a hacie caba y a sali afo dos factor principal: posponemento di tratamiento durante pandemia y stress.

E ultimo aki sigur ta un factor na Aruba pasobra hende ta traha dos y tres trabou y asina mes apenas por paga huur, scol, cuminda, utilidad y transporte cu consecuencia pa e salud mental. Pio ainda, den desesperacion ta comete acto ilegal pa yega na poco placa pa biba. Mientras tanto, Gabinete Wever-Croes II ta man crusa.

Pa tapa buraco di e escasez grandi di personal


den cuidado medico, e gobierno actual a acudi na un proyecto di partido AVP expandiendo e cantidad di POH. E tip di accion ad hoc aki ta loke ta caracteriza e Gabinete Wever-Croes y su falta di vision. Di su banda, AVP lo keda boga pa elimina e positieve lijst di remedi pasobra ta inhusto pa nos ciudadano, of cu mester warda asina hopi pa haya trato medico. “Nos lo keda riba e punto aki,” Wyatt-Ras a afirma.

Por ultimo, e parlamentario a duna hospital como otro muestra di e manejo desastroso di e gobierno di MEP. E ta convenci cu mester investiga e proyecto aki pasobra ainda despues di 10 año no ta cla, unicamene pa capricho di e minister di salubridad di e ultimo shete año cu a keda bringa SOGA y contratista strobando e trabou. ‘The day




after’ referiendo su mes na e momento cu elogi AVP, ta priminti di caba cu e situacion aki. “Nos pueblo

mester haya e husticia social cu e merece,” asina e parlamentario a finalisa bisando.



5	3			7				
6			1	9	5			
	9	8					6	
8				6				3
4			8		3			1
7				2				6
	6					2	8	
			4	1	9			5
				8			7	9

	3	8	5	7			9	
	6			1		5		7
	1		3		9		8	
6	9	3		4		7		
2		4			5		6	1
				8			4	9
8			4			9		
3					8	6	7	
5	7		1					4





A DESCUBRI CUA T'E PIO Y MIHO ORA DI DIA PA HUMOR



E investigadonan di e Universidad di Michigan (Merca) y di e Centro Dartmouth Health a descubri cu pa 5'or di mainta t'e pio ora di dia p'e personanan, momento caminda cu tin e tendencia pa tin un estado di animo mas abao, independientemente di e ora cu nan lanta, segun un estudio publica den e revista PLOS Digital Health, a publica.

e ritmo circadiano of ritmo biologico di e participantenan. Aunke e investigadonan a descubri cu e privacion di soño por provoca un humor mas instabil cerca e participantenan, esaki semper a sigui un ciclo natural independientemente di dje, cu e punto mas abao mainta, banda di 5'or y esun mas halto atardi, cerca di 5'or.

Di e manera aki, un hende cu permanece lanta henter anochi te cu 5'or di mainta, den teoria lo mester tin un estado di animo mas abao cu si caba di lanta n'e ora aki. Sinembargo, no ta asina y hasta den un dia normal, e humor di un persona pa 5'or di mainta lo sigui ta mas abao cu esun di atardi, ora cu mayoria di hende ta mas alegre.

A obtene e resultadonan di e investigacion analisando e datonan di e monitoreo di e armbandnan electronico Fitbit di mas di 2600 dokter residente a lo largo di dos aña.

Durante e tempo aki, a haci un siguinto di e frecuencia cardiaco, e recuento di paso, e datonan di soño y e puntuacionnan diario di e estado di animo, loke a permiti calcula

ORACION DI DIA



Un feliz dia yena di bendicion y colma cu hopi fe y confiansa den nos Bon Dios

El a bisa nan:..... "Pakico boso tin tanto miedo asina? Ainda boso no tin fe?" (Marco 4, 40)

Confiansa. Un palabra cu nos conoce bon. For di chikito nos a siña confia nos mayornan. Sin pensa, di biaha nos ta kere nan, pasobra nos sa cu nan ta stima y cuida nos. Segun cu tempo pasa, nos ta crece y ta topa hende den nos caminda di bida cu kisas a defrauda nos. Nos ta cuminsa duda den e sinceridad di hende. Y perde confiansa y speransa den Dios. Tambe nos tin miedo di faya y miedo cu otro hende ta faya nos. E discipelnan a duda, nan tambe a haya miedo y a perde speransa. Nan no sa di e poder todopoderoso di nan Maestro Hesus. Nan no conoce ainda. ...: 'Ta ken e homber aki ta? Hasta biento y lama ta tende di djE'(Marco 4, 41) nan a bisa. Nos tambe por scapa di un tormenta o un turbulencia den nos bida. Scucha Su Bos severo cu ta papia den nos curason, pa nos confia den djE, E Yiu di Tata.

Oracion: Señor Hesus, haci mi Fe mas grandi. Yuda mi. Proteha mi. Duna mi forza pa enfrenta tur problema cu un calma, paden den mi ser. Den e nomber prestigioso di Hesus di Nazaret. Amen.

CHAPI Y VERF HANDY MAN

Nos ta haci tur sorto di chapi y verf cas, edificio, school. Nos ta tira sushi afo.

Cel: 561-1397

Pastoral Hubenil Aruba cu Caminda di Cruz pa hubentud

Den e temporada di cu-aresma aki, Pastoral Hubenil Aruba (PHA) ta organisando un Caminda di Cruz diferente pa e hobennan di pastoral hubenil di e diferente parokianan y muy en especial pa nos hubentud en general y familiarnan. E Caminda di Cruz cu tin como titulo "Ban Cana cu

Hesus" ta tuma luga den nos medio ambiente y ta pa e hobennan reflexiona riba e pasion y morto di Hesus, kende a entrega su bida pa salba nos. E Caminda di Cruz ta tuma luga diasabra dia 23 di maart. Ta topa 6:00 am na e parkinglot di e Santana di Sabana Basora, di ey-

nan ta bay cana den e diferente areanan di naturaleza y tin un duracion di mas of menos un ora y mey. Directiva di PHA ta pidi esnan cu ta bin participa pa yega na tempo, trece un fox (flashlight), un termo cu awa y keds comodo na pia. Nos ta warda bo!



Secretario di estado di Husticia y Siguridad ta bishita Aruba, Corsou y Boneiro

Secretario di estado di Husticia y Siguridad, Eric van der Burg, ta hiba un bishita di trabou di cuater dia na e parti Caribense di Reino. Di 13 te cu 16 di maart e ta bishita consecutivamente Aruba, Corsou y Boneiro. Den combersacion cu colaboradornan y diferente bishita di trabou lo pone e secretario di estado na altura di e maneho di migracion, e asercamento di traficacion y contrabanda di hende y e maneho di frontera riba e islanan. Meta di e bishita ta pa keda na altura di e situacion actual y di e asuntonan di migracion riba e islanan.



stranhero.

Intencion di Van der Burg tabata pa a bishita e islanan anteriormente, pero e mester a cancela su biahe pa motibo di salud.

Durante su bishita na Aruba lo discuti entre otro tocante e posibilidadnan pa promove colaboracion entre autoridadnan di frontera. Tambe tin combersacionnan tocante posibel optimalisacion den e cadena di imigracion riba e programa y lo discuti tocante e maneho di imigracion y control di frontera.

E bishita ta sigui na Corsou caminda e secretario di estado lo hiba combersacion cu colaboradornan di IND, lo inform'e tocante e maneho di imigracion y con ta atende cu traficacion y contrabanda di hende.

Na Boneiro lo pone e secretario di estado na altura di e regimen di detencion di

BO SANGER TA SALBA BIDA!

STICHTING BLOEDBANK ARUBA


☎ 587 0002

📍 StichtingBloedbankAruba

www.bloedbankaruba.aw

Gradicimento y Invitacion

Na number di su yuinan, Anthony, Angelo y Andy Kirchner, kier a gradici tur esnan cu na un manera of otro a duna nan sosten, consuelo y forsa durante e tempo dificil cu e fayecimento y entierro di nos defunto stima:



Glenda Helena Goeloe

Boso muestra di atencion ta di hopi aprecio y un gran sosten pa nos. Un danki na un y tur cu a manda carchi, krans, whatsapp, email y a hasi yamada nan telefonico.

Boso muestra di atenshon tabata un gran consuelo pa nos.

Na mes momento nos ta invita famia, bisiña-, amigo- y conocirnan pa compana nos na 3 Santo Sacrificio di Misa na misa Santa Filomena na Paradera; diahuebs 14 di maart y diasabra 16 di maart pa 7 pm.

Boso presencia ta altamente aprecia.